

լիտի միջնորդութեամբ խնդրեցին տալ իրենց պետական կնիք կրող մի արքունի հրովարտակ, որ Բարձրագոյն անուամբ խոստացուած արտօնութիւնները վաւերացնէր, և այդպիսով զեղջուկների կասկածները փարատուէին: Հայերն իրենց կողմից ռուսաց կառավարութեան հրաւէրն ընդունեցին. մահմեդական լծից ազատուելու և հզօր քրիստոնեայ պետութեան հովանին գտնելու յոյսը այն աստիճան ոգեւորել էր նրանց, որ ամենին չվախեցան տեղափոխութեան վտանգներից:

Ղրիմի խանն և ամբողջ մահմեդական ազգաբնակչութիւնը Ռուսաստանի այդ ձեռնարկութեան լուրն առնելուն պէս վերին աստիճան չփոթուեցան. քրիստոնեաների գաղթն ահագին չարիք էր սպառնում նրանց և անչուշտ պիտի վնասէր նրանց նիւթական բարօրութեան, քանի որ արդիւնք տուողը միայն քրիստոնեայ ժողովուրդն էր: Սկզբում խանը չէր հաւատում լրի ստուգութեան և բացատրութիւն խնդրեց գեներալ պորուչիկ Ա. Վ. Սուվորովից, որ և պատասխան տուաւ, թէ Կայսրուհին մարդասիրութեան զգացման և քրիստոնէական պարտքին հետեւելով, հաճել է իւր սահմանները տեղափոխել քրիստոնեաներին, «որպէս զի նրանք մօտալուտ աղէտներից և սպառսպուռ կտորածից փրկուին»: Ապա Սուվորովը յոյս է յայտնում, թէ խանը ոչ միայն չի հակառակուիլ, այլ դեռ նըպաստաւոր կը լինի, և յարուստ՝ «որովհետև Ձեր անձի մասին հոգ կը տարուի և Դուք վարձատրութիւն կըստանաք»: Այդ յուսադրութիւնը ոչ միայն չմիամտացրեց խանին և միրզաներին, այլ կատաղութիւն պատճառեց նրանց: «Վսեմափայլ խանը», գրում էր Պոտեօմկին իշխանը Սուվորովին, «զայրոյթից ուժասպառ լինելով, Բախչիսարայից դուրս գնաց՝ օղափոխութեան համար»: Նոյնչափ դժգոհ էին և Ղրիմի թաթարները, որոնք ասում էին, թէ քրիստոնեաներին կորցնելն իրենց համար շոգիին մարմնից անջատելուն հաւասար է»: Սրբ թաթարները տեսան, որ «սպառնալիքով, յորդորանքով, խոստումներով և իրենց յատուկ ուխտագրութեան ներգրութիւններով» նպատակին հասնել անկարող են. սկսան աղերսական գրեր և նոյն իսկ պատգամաւորներ ուղարկել ռուսաց արքունիքը. սակայն և այնպէս նրանց բոլոր ջանքերը, Ղրիմում պահելու հայերին, դուր անցան: Սուվորովի կարծիքով՝ «այէտք է վարձատրել թաթարներին մի քանի մասնաւոր պարտքերի փոխարէն... իսկ քրիստոնեաներին անհրաժեշտ է նրանց կորցրած կաշքերի և